



07222

施愚山先生學餘詩集卷之四十七

七言絕

野望卽事

荒村一帶句溪邊遠渚羣鷗白晝眠

柳根爭繫釣魚船

題花下問漁舟圖

小橋東畔野雲生春浪桃花濯錦明聽得漁磯相荅問

舟人笑語雜谿聲

伏義生身處

有洗兒石記
在新樂縣

歲月茫茫記得無荒烟古道獨踟躕洗兒石畔苔爲篆

應是龍文八卦圖

愚山先生詩集

卷四十七

七言絕

道中折桃花

河朔風沙白日黃桃花獨笑短籬旁一年春色惟看汝

駐馬誰能不斷腸

客至自雲中

大同城外是邊庭幾歲哀笳客裏聽爲問王媯墳上草

到今何似漢時青


西曹署壁見畫竹

何處蕭蕭竹數竿空堂清夜向人寒醉來疑是山窗坐

剪燭支頤子細看

陽信題主人壁

千里星轅冒雨來幽齋霜後菊花開故園南望滄江外



花發東籬又一回

經李太白墓

共說騎鯨捉月游孤墳細草野風秋夜郎幽墳無多淚
萬古長江楚水流

書寒谿寺

谿邊古寺晝泠泠一樹梅花開滿庭我到恰逢晴日好
西山相對眼俱青

鄂城

岍上何人尚楚歌千家頽瓦亂山阿寒裳欲問南樓月
鸚鵡洲邊夜雨多

見斑竹

愚山先生詩集

卷四十七

七言絕

二

碧玉森森綠水灣風鳴環珮滿湘山遊人自灑離愁淚
不是當年舊淚斑

三十六灣

湘陰

湘水行來轉檝頻迴波蕩漾送殘春低頭錯認鄉園水
欲喚青莎渡口人

道鄉臺

宋鄒浩號道鄉謫衡州經此守臣溫益下
逐客令風雨夜渡湘江山僧剝炬迎之張

杖爲築臺
朱熹刻石

馮軒嶽麓洞庭開明月湘江夜月來逐客莫忘賢太守
孤峰畱得道鄉臺

衡山道中寒食

路多虎跡少人踪楊柳催殘臘幾松家在江南今北望

可宜獨上祝融峰

端江到佛山途中口號

崧臺沙路樹相叅急水輕舟帶夕嵐無數烟村山色裏
不禁飛夢到江南

宿法華寺

夜涼深寺白雲封卧對星崖石上松夢裏蘿厠元是蝶
浮生消得幾聲鐘

再游桃園花盡落矣

渡口漁人路未迷重來綠樹一鶯啼風光好處傷心甚
目送斜陽下水西

休寧道中寒食

愚山先生詩集

卷四十七 七言絕

三

寒食東風減客衣山堂茅屋燕初飛桃花欲落不忍落
游子曰歸猶未歸

懷匡廬源上人

靜裏真僧冰雪容一簾瀑布萬株松爲馮今夜清溪月
挂到匡廬五老峰

苧蘿山

扁舟載去是邪非消息人間恨不歸畱得舞袿魂未散
苧蘿山下白雲飛

重過阪蒲寺

時久早居民鳥散至
僧舊識余者俱化矣

繫馬精廬憶昔年一朝滄海變桑田老僧去後繩牀在
剩有殘燈照客眠

寄陶赤若

出門雨雪又中秋寒露催人白白頭
月照青溪橫匹練知君獨立水西樓

夢張旭之

歸魂夜夜傷家鄉忽共張顛話草堂
不記分明作何語爭題粉壁兩三行

程箕山員外半野園

松陰竹戶晝長關野鶴沙鷗乍往還
無數芙蓉天際出凭闌人已在西山

題金嶺驛壁

驛亭樹老腹皆空牆外青山面面同
駐馬殘春花落後

愚山先生詩集

卷四十七

七言絕

四

含情獨夜月明中

灰埠驛

闕庭細草客重過古木娟娟帶女蘿
滿地落花人不見向來春色爲誰多

初嘗蘋果因懷家叔父嗜此

蘋果青州五月鮮摘來差勝小兒拳
憑誰倩得南飛鳥銜到高堂白髮邊

濟南官舍漫興

好護窗前竹數根莫貪新筍刷龍孫
陰森五月如秋水不厭當門覆綠樽

種瓜種豆試新春露葉風花冉冉新醉倚銀牀閱汲水
笑余元是灌園人

三

玉露微酸紫露渾

並青州酒名

青州從事竟誰論愁心忽作

江南夢沽酒梅花谿上村

廣陵汎舟兩絕句

綠浦紅葉間白蘋采蓮艇子棹歌新慣聞簫鼓朝朝過
睡穩鴛鴦不避人

摘星樓畔水迢迢古碣荒臺字半銷疎柳隋隄明月夜
宮娃魂斷尚吹簫

燈夕口號

愚山先生詩集

卷四十七 七言絕

五

節到傅柑夜夜晴東風送暖月逾明火催花樹尊前亂
人擁蛟龍地上行

二

千錢挈伴賃春衣珠翠粧成醉不歸纔過南鄰又北郭
行歌一道彩雲飛

三

謝眺樓前月似霜雙橋鼓吹簇成行耐可銀箏彈北曲
城南思婦憶漁陽

四

截木爲橈高似屋山城石路滑如油誰家年少渾無賴
白遍翻身不肯休

橈音歲長五六尺以杉爲之上施木縛足而行馳驟如平地

齋中白梅花

多謝春風緩緩催，
谿園開盡草堂開。
白花素壁渾如水，
只道香從別浦來。

茗溪曲

水竹疎籬護女桑，
提筐采葉逐溪長。
渡頭風起回船急，
夾岸花飛斷妾腸。

西湖漫成

春水盈盈浸碧沙，
行人折盡半開花。
六橋一色連芳草，
何處錢塘蘇小家。

吹角孤山鳥盡飛，
湖中日暮蕩舟稀。
長年愛說繁華事，
不管風光今是非。

愚山先生詩集

卷四十七 七言絕

六

西湖竹枝詞

外湖遊遍裏湖遊，
南北峰高水面浮。
弱柳新栽成絮少，
不教飛去惹人愁。

二

儂作葛洪井中水，
郎似飛來峰上雲。
怪他昨日成輕薄，
載酒偏澆蘇小墳。

三

荷葉橫塘官路斜，
吳姬日出浣春紗。
兒家種蓮取蓮子，
囑付遊人莫采花。

四

西陵松柏已無林，
天竺山頭日欲陰。
同向三生石畔拜，

與郎世世結同心

五

郎渡錢塘妾段橋春花秋月可憐宵妾心似海愁無畔
不向江頭去看潮

六

白玉搔頭紫玉簫香車細馬木蘭橈但畱歌舞長如舊
擽取黃金作去聲六橋

過新廊感懷方頤二宅方詩選方頤
已歿二年

不改秦淮舊草堂含情駐馬淚沾裳故人生死皆離別
惟有烏啼送夕陽

湖口舟次懷阮亭揚州

愚山先生詩集卷四十七 七言絕

七

丹楓木落客心悲蘆荻風多雁叫時忽憶去年秋雨夜
燈前把醖讀君詩

官舍題詩有竹亭愁中坐對眼俱青月明今夜遙相望
溢浦邗江兩客星

九日抵鹿江俗名樟
樹鎮

細雨舟中對濁醪自携詩卷當登高如何橘綠橙黃地
不及江南足紫螯

走筆柬蕭孟昉

聞說蕭生十載餘無因相見獨愁余同鄉有客思公子
憑寄江南數紙書謂錢牧齋宗伯
及葉言如諸子

偶興

西江正月早芳菲，開盡桃花滿地飛。
可怪春花似孤客，一心日夜只思歸。

春感

十年官舍送春華，官舍逢春又別家。
寄語窗前舊桃樹，主人未到莫開花。

見梅花追悼大美

芹溪書屋一株梅，歲歲花前笑舉杯。
今日花開人不見，憑誰移向墓門栽。

春日懷幼龍

兩家相望是比鄰，把酒看花來往頻。
老友凋殘好友別，春風消遣屬何人。

老友謂大美

愚山先生詩集

卷四十七 七言絕

八

滕王閣

春水茫茫杜若洲，千秋陳蹟客初遊。
西山黛色還依舊，不管長江日夜流。

重過李宗伯

時新造家妓

殘秋別後此經過，又見東湖春水波。
舞蝶啼鶯今散盡，石榴花畔斷腸多。

茉莉詞戲和阮懷耦長

海嶠佳人冰雪姿，縞衣綠髻影參差。
不貪結子花長久，摘罷明珠又滿枝。

二

愛花全不爲花愁，穿取團團似雪毬。
欲作新粧相趣好

吳姬臨晚更梳頭

三

日汲寒泉灌幾回下階頻爲摘花來
擽教玉蕊穿雲鬢纔傷儂身花自開

南州荅伯衡

風流誰復謝宣城刺有柴桑飲酒情
薄宦共憐詩不減寒江如練月長明

貽林茂之紵帳

并序

茂之窮老金陵冬夜詩云老來貧困實堪嗟
寒氣偏歸我一家無被夜眠牽破絮渾如孤鶴入
蘆花夏又無帷帳或遺之則舉以易米予謂暑

愚山先生詩集

卷四十七

七言絕

九

無軻病於寒無毡君能守之當爲作計處士笑
曰願守之以虎客皆絕倒予在豫章爲寄紵帳
書絕句其上屬同志者各題一幅不問知爲林
先生物卽謂之墨守可也

北窗高卧豈知貧料理偏愁白髮人
紵帳親題林處士草堂長伴百年身

晚過赤方寺寓

赤壁磯頭人未歸長篇短句興遄飛
燈前促膝言難盡水寺涼風吹客衣

柑林和石莊

重陽辜負菊花筵此日流觴碧玉川
山磬忽飛深樹裏

沙鷗還卧夕陽前

馬雲人頻寄詩得絕句報之

謝朓驚人未敢當
虞翻知己恨何長
不堪尺素殷勤甚
獨上江樓望故鄉

次荅士業雪中二絕

時陳寓鐵佛寺

歲暮荒城作客難
蕭蕭雁影下寒灘
竹樓正對千峰雪
倚杖同來天際看

高歌絕調太傷神
痛飲還逾少壯人
阜嶺洪崖全接壤

不妨相傍作比鄰

閩阜山在臨江洪崖山在南昌

與龔天階飲愚樓

初在翰林餞予出都亭左遷南昌司理復解官

解裘沽酒憶金門
木末登樓復此樽
月落吳歌聲未斷

愚口先生詩集

卷四十七 七言絕

十

美人江畔總銷魂

挿天碧嶂繞孤城
霧裏看山恨未明
聞說武夷奇絕處

登峰只作棹舟行

君聞人言武夷山水

寄劉覺岍同年

覺岍官比部郎孤居不肉食
京師謂之劉佛頭

以母老引疾終養來臨江
鐵佛寺手繕藏經子

日厭苦吏事劉曰子曾見青蓮
花有離汗泥生

石上者乎聞之赧然別後寄二絕句

久辭簪笏愛江亭
凍手時繙貝葉經
莫是三生石畔客

欲回烟棹太丁寧

檻猿籠鶴枉咨嗟
羨爾閒餐五嶽霞
領取江樓深夜語

不聞石上種蓮花

贛江寒食

雨漲江平楊柳垂江船爭繫向江枝春風寒食關情甚
折盡新條却怨誰

龍窩地名在臨江

草青沙白水如藍今日龍窩三月三一様春光烟雨內
歸心何事憶江南

同太虛牡丹花下

爲看青蓮學士來相逢一笑說花開主人有酒難辭醉
消得春風是此回

西昌舟次值趙韞退大叅粵還

愚山先生詩集卷四十七七言絕

七

疎星片月照城隈久客孤帆瘴海來舊日題詩高閣在
繫舟那惜一銜杯

十月十六日懷柑林舊遊壬寅是日同古業天若伯調赤方在檣文在醉

於臨江之柑林

螺江江畔鷺洲頭久住還思金鳳洲十里丹黃筆橘柚
去年今日醉同遊

送李萬安罷官歸里

歲暮歸舟一葉輕歌殘酒罷淚雙傾灘聲不異無情思
嗚咽隨君爲送行

臘月八日同諸君青原卽事七絕句

初來春雨繼晴秋日殘冬又續遊却憶雨中毒絕處

一天飛瀑碧峰頭

松下親烹卓錫泉勝遊三卧白雲邊蒼顏五老曾相約

不到廬峰十二年

欄轉晴雲拂袖低一時支許共招携若畱慧遠相看笑

贏得風流勝虎谿

先是藥地禪師駐過

勝事相傳倒插荆菁葱一樹又旁生嘯公飛錫凌空去

塔院松風是嘯聲

天界嘯峰和尚示寂寺中

怪石孤亭曲水濱香城臘日總如春當杯不飲君休笑

清絕梅花解醒人

予以疾戒酒是日得汗體爲之輕

谷口祠堂尚可尋絃歌泉壑有遺音明年重踐春風約

雲滿空山花滿林

吉州諸公有仲春講學青原之約

愚山先生詩集

卷四十七 七言絕

三

荅李宗伯書漫題紙尾

鷺渚舟邊踏月行蕭灘亭上望君情梅花欲落美人去

一夜離愁春水生

夢亡友蔡大美論詩臨別索酒

甲辰三月十一日

幽魂執手太情親半笑嗔無酒入唇欵欵詩篇論未了

相看不信塚中人

腸斷臨溪舊酒壚花開時節夜臺孤憑將五斗澆墳上

得似君家竹葉無

予感夢遂命酒澆其墓上先是蔡釀甚佳各兼清

臨江官舍詠桃樹

短牆茅屋似山家小樹窗前帶雨斜記是老夫經手種

春風滿眼見開花

章山 臨江城中所傳
仙人章助隱此

笙鶴誰能見往還千秋荒阜白雲間
仙家祇在江城裏尚有人說買山

青蓮洞 袁州

石作蓮花半未開玲瓏幾曲盡莓苔
春深坐覺衣裳冷不道雲從袖底來

袁州讀鄭谷詩

都官當日真名士笑殺人呼鄭鵬
鵠秀浦城南君故里江山何事一詩無

安成至廬陵道中作

山田斜趁嶺雲低引得清泉灌綠畦
春暖插秧乘穀雨愚山先生詩集
卷四十七 七言絕

不勞布穀一聲啼

出郭偶題寺壁

道傍深樹隱招提滿院薔薇照眼迷
燕子似嫌人吏俗飛來還去竹籬西

荷湖館 臨江

隔林烟火幾人家古廟江頭噪晚鴉
欲問芰荷香寂寂一川新漲白蘋花

施三十郎墓 志稱讓宅為清江縣
治今墓在柳灘樓下

江縣人傳讓宅名至今畱塚在孤城
君看無數王侯墓蔓草荒涼野老耕

廬陵得余季廬先生書

螺子山前春草生
莆陽書到淚雙傾
愁心歷亂君知否
聽徹江聲到五更

青原講會示諸同志

遠別還餘三日閒
絃歌同見古人顏
木犀早已傳消息
一樹花開香滿山

守風左蠡

云南康左蠡無風浪起又汎兵窺
家不足備他盜舟人皆坐守不寐

地險無風人自愁
石尤作意故相留
扁舟夜傍鼉鼉宿
一點殘燈是戍樓

逢南浦客寄周伯衡宋其武

寒江獨夜強銜杯
念舊悲秋日幾回
南浦朝朝多驛使
相思不寄一詩來

愚山先生詩集

卷四十七 七言絕

古

過白門追悼顧與治

舊宅經過哭幾回
五年宿草尚餘哀
秦淮明月長如此
更覓何人共舉杯

賣字全忘病裏身
開樽畱客豈愁貧
百篇詩句渾如雪
半畝園林盡屬人

許我親書歸去辭
澄心紙在淚空垂
夜臺筆墨今何處
莫被招魂更寫碑

酒隱高風世所聞
眼前身後一浮雲
莫愁蘋蘩無人薦

共識千秋處士墳

君大父英玉先
生有酒隱堂

坐官閣梅花下

高齋吏散卽花前
坐久還移竹榻眠
珍重殘枝休笑我

重看爛熳是明年

綠雪

白製敬亭茶名

敬亭雀舌枉爭傳手製從過穀雨天酌向素羲渾不辨

乍疑花氣撲山泉

過穀兩數日香味乃全

最難消息趁春晴摘葉看僧頃刻成眼底何人玉川子

可容廟芥獨佳名

愚山先生詩集

卷四十七 七言絕

五

施愚山先生學餘詩集卷之四十七終

施愚山先生學餘詩集卷之四十八

七言絕

磨盤山憶兒淳在宛陵家累在洪川

客程鄉思苦漫漫積雨千山行路難知爾樓頭高處立
幾回北望又南看

值青州人便走筆寄劉止一

予歸自濟劉置祖帳十里外携善歌者曼

聲苦調曲未及終而別又同游龍洞有詩劉拔佩刀為予鐫壁

幾年高枕卧烟蘿愛客論詩興若何舊日何戡無恙否
離亭半曲淚痕多

北海郵書久寂然西湖新句獨翩翩最憐龍洞同遊處

鑿石分題又五年

愚山先生詩集

卷四十八

七言絕

一

宿青駝寺

亂峰躑躅暮雲平小市人傳古寺名月白馬寒嘶夜半
不知何處有鐘聲

宿郊城聞僕夫言次日四十里外即江南界

千峰萬壑倦征驂客路歸心兩不堪忽訝燈花成一笑

郵亭明日是江南

淮上別張菊存

張有曲江閣

纏絲無盡曲江遊送我重登出浦舟淮水亦知離別意
相隨日夜向南流

讀漁洋山人集漫題

王阮亭集名

萊陽大雅益都清各自論詩擅一城玉樹臨風今獨秀

新城不說濟南生

萊陽謂朱荔裳益都謂趙如退濟南李于鱗也

六益過署齋得雨止宿

孤城日暮罷登臺江閣炎蒸向水開正共故人杯在手

南山夜雨過江來

天涯將老未歸身同是江湖澹蕩人今夜對眠深剪燭

何年散髮共垂綸

官庭草

江聲到枕客心違多病如何未拂衣庭草不妨秋色滿

好留蝴蝶上階飛

陸舟別後值雨重寄

蕭蕭木葉逐江流不是離人已白頭分手更堪垂老日

愚山先生詩集

卷四十八

七言絕

二

亂山寒雨送孤舟

偉長索醉蟹自云老饕發書一笑

小飲終慚客興豪故鄉昨日寄霜螯知君舊是江南客

不厭相呼作老饕

寄高柱河夫子

公以待御視學江南日問章國士

敢言薄宦釜生魚官舍蕭條似客居媿比侯芭稱弟子

淚痕空落數行書

晚泊石亭寺

十度扁舟繫石亭龍沙風起客眠醒江洲芳草無情甚

一夜茫茫帶雨青

正月晦日太虛宗伯作詩見憶予適到門遂同伯

璣飲花下

春風騎馬到江城正值繁花照眼明
頭白尚書吟正苦開扉一笑說離情

主人愛客草堂清高士爲鄰詩興生
每到必傾李白酒何妨長卧灌嬰城

臨江雜詩

閩山烟雨接虛無碧嶂清江翡翠鋪
好置亭臺添畫舫爲君喚取作西湖

又

更無羅綺艷江邊高種茶園低種田
一歲繁華燈下盡滿城歌管送神船

愚山先生詩集

卷四十八

七言絕

三

又

萬松郭外一時空新種桃花幾樹紅
最是春來暗雙眼江城日夜雨聲中

城南舊有松林直接瑞筠山謂之萬松關今蕩然矣

又

青青橘柚壓江濱暖日晴烟照眼新
三月花開橫十里香風吹殺蕩舟人

又

紅柑白笋不論錢淳樸山川劇可憐
一畝官租三畝穀農家翻厭說豐年

又

夜夜江頭月一灣疎鐘聲裏白雲閒
詩僧雪印殘篇盡

雙字從側窺半間

雪印天寧寺僧洪武初召賦金陵春曉詩稱旨賜衣詩見郡志慧力寺僧

半闕有詩
名今盡逸

又

瀟鷗沙鷺自雙雙
舊風流說此邦
劉孔諸賢俱逝水
至今芳杜繞清江

又

欵乃歌聲日幾回
野航無數趁風開
大洋洲上迎神去
玉筍山中乞夢來

臨俗吏民遠出必先禱大洋洲
蕭公廟又傳玉筍山祈夢靈異

又

回龍寺前野艇橫
伏馬橋頭江水清
聞說百花春正好

秣餘芳草向春生

郡舊有百花洲今廢

愚山先生詩集

卷四十八

七言絕

四

馮木伯罷官未豐別後以官累再至

離筵楊柳春含雨
迴棹芙蓉花滿溪
明日且隨鷗鷺去

滄江莫聽鷓鴣啼

卽事

山閣看雲自舉梧
輕風茵苒檻邊開
今年勝事清江少

六月鱗魚出網來

有懷杜蕃舒梅幼與

檻外風帆日日開
江鄉不見故人來
黃柑兩峴看如此

一笑何時共舉杯

爲楊中玄前輩題像

力盡謀生家自貧
數間茅屋隱松筠
年過八十惟高枕

笑對青山不媿人

雪中閣望

江城草閣俯漁磯
雪滿千山失翠微
笑指白雲來樹杪
不知却是片帆飛

聞劉孔植推官訃

釜甑生塵苦未休
獨留病骨卧南州
如今客死何人哭
扶藪蕭蕭是白頭

牡丹初放同諸子雨坐

陳元水毛大可田未
若沈治先徐若葵

官亭春盡對花歌
幾歲花時客裏過
頭白樽前人欲散
一江風雨爲誰多

見阮懷題壁率爾次韵

愚山先生詩集

卷四十八 七言絕

五

山城官閣傍松筠
檻外花飛覺暮春
雨後忽看江水漲
樽前身是五湖人

卽席送大可還蕭山

論詩風雨過三春江
畔榴花照眼新
明日湘湖歸棹遠
相思各是獨吟人

夏夜

前山雨過月當樓
竹影空庭暑乍收
湘簟石牀人獨夜
不禁蟋蟀一聲秋

別湖西父老

頃年在官引疾不許及秦
裁東去父老夾道焚香
泣送數十里予始泣然
不能禁故留詩爲別

官拙長懷賦遂初敬亭山下夢吾廬輕舟歸去 君恩
重贏得閑身得舊書

二

多慚祖帳徧江洲曉發歸心逐水流怪底萬人紛涕淚
難禁立馬一回頭

三

淚盡憂時白髮侵何勞畏壘卜雲岑它年馮仗清江水
長照平生一片心

予將去時士大夫復構龍岡書院爲芻豆地

書西山丁道人壁

山豆花開野菊秋隔林茅屋是丹丘客來問道惟搖手
隨意清泉遶屋流

愚山先生詩集

卷四十八 七言絕

六

登吳城僧閣

閣正對五老峰

江畔停舟坐不回精廬小閣向湖開匡山五老曾相識
爲送閒雲一片來

草閣卽事

草閣時時敞竹扉石欄平俯釣魚磯可憐一樹堤邊柳
能遣飛花滿客衣

題畫冊寄于廬陵慧男

爲政風流孰似君相思遙寄敬亭雲螺山南畔荒祠在
絃誦年來幾度聞

高峰僧餉茶

雲外山寒吐葉遲真僧入夏遠相貽凌風若問峰頭坐

還似人間積雪時

四安旅舍

隔岸青山半夕陽
馬蹄歇處是它鄉
主人十載重相見
依舊扁舟繫綠楊

晚至碧巖

崩雲亂石相侵臨
百丈層崖見竹林
古寺峰頭歇清磬
蟬鳴老樹如龍吟

管夫人墨竹

在吳興天聖寺東壁共
西爲松雪畫今剝盡

翠篠疎枝帶雨新
墨痕傳自管夫人
江山南渡留殘壁
此物風流五百春

吳興天寧寺

愚山先生詩集

卷四十八

七言絕

七

作客年來萬事慵
朝朝湖上踏青峰
翻嫌詩思如秋水
不寐長聽午夜鐘

重題昭慶寺樓

芳草春風爛熳遊
八年前卧此高樓
如今官拙成衰鬢
何事僧閒亦白頭

憶故園桂

十載離家老桂存
今年有約共芳樽
秋來又作桐江客
細雨繁花空閉門

江山縣弔方虎鄰

方，獨難虎井中今
井上有寒香亭

濯骨寒泉迴絕塵
爲全黎庶不全身
誰知一月江山令
竟作千秋俎豆人

宿晨前

地名在建陽縣武夷道中

野店荆扉旋織成暮烟寒杵若爲情客窓更歷山泉急
一夜牀頭風雨聲

武夷山紫陽書院

萬岫深圍舊草堂釣臺茶竈就滄浪空山不斷櫂歌曲
鶴唳一聲谿水長

朱子有櫂歌曲

玉女峰

太華飛來立水濱崖花開落自爲春若逢毛女還相識
應化山中採藥人

仙釣崖

巖上仙翁白羽衣渚鷗沙鷺往來飛釣磯苔滿無人到

愚山先生詩集

卷四十八

七言絕

八

歲歲持竿獨不歸

上接筍峰至隱屏絕頂

躡盡危梯俯翠微松門巖屋坐忘歸雨從天柱峰頭過
雲向卧龍潭上飛

白雲峰

是武夷九曲盡處

曲盡難窮谿水源靈峰一折抱雲根莫言山外卽人境
雞犬桃花別一村

鐵笛亭

谿光漠漠樹冥冥勝事猶傳石上亭樵唱數聲人靜後
松風吹出片雲青

大王峰頂值鍾道人

虹橋絕處斗壇邊一綫丹梯萬丈懸
獨住峰頭更何事
白雲長護石牀眠

閩酒口號

客病三山問酒家
持杯閒透刺桐花
苦心物色蓮鬢白

只說官藍與碧霞

別傳即閩紀稱曾家蓮鬢白第一官藍碧霞並酒名

雙投真益

二酒名

不宜人隔歲
陳醪暫入唇
香冽誰能更

柔旨風流聞有洞庭春

宋安定郡王以黃柑釀酒曰洞庭春色聞漳南尚傳此法

再過楓嶺

楓色爭傳楓嶺頭
丹霞爛熳破人愁
烟霜此日催寒急

葉響泉聲共一秋

還至清湖卽目

愚山先生詩集

卷四十八

七言絕

九

江即山下野人家
漠漠朝烟出樹斜
烏桕葉殘垂白子

參差早擬是梅花

重題釣臺

天削雙峰作釣臺
山盤繡嶺白雲開
鷗夷千古餘慚恨

日送江潮到此回

錢塘江潮至此卽止

翠壁丹亭夕照前
晴江落木帶寒烟
扁舟定向磯頭泊

七里灘聲十九泉

陸羽品泉以釣臺下爲十九

豫章和李太虛宗伯

滿眼山青如翠黛
中庭梅落似花鈿
詩人共愛東湖好

憑語春風怨酒顛

積寒何處尋鶯語
獨客行須傍藥欄
主人美酒飲不盡

湖上青春殘未殘

爲伯璣悼姬人浣花

秦淮玉樹不勝春
窈窕誰當賦
洛神已嫁黔婁
還早歿
一生荆布送佳人

泊舟得桃花

沙村野店笛聲殘
小泊三江渡口寒
風雨連朝春暗減
好花留折一枝看

過昭武贈丁景呂廣文

南宮廣已衛雋
以兩字被乙

浚憐對策江都好
誰識談經賈傅尊
夜半把君詩卷讀
滿船風雨一燈昏

送丘慎清赴官鎮遠

愚山先生詩集

卷四十八

七言絕

十

重來卽別太傷神
路過牂牁更問津
正是三春花欲暮
可堪萬里獨行人

以麻姑酒遺伯衡

水漲桃花江路紆
遊山雖好興愁孤
人間何處尋仙洞
分取麻姑酒一壺

哭方爾止

蹉跎萬事總長貧
獨爲無兒太損神
地下莫應逢顧蔡
吞聲同恨有三人

顧與洽蔡大美先亡
無子爾止各哭以詩

老健詩書意獨勤
難將萬卷殉孤墳
平生哭友惟君痛
誰把新詩更哭君

宿松隱庵

寒山曲徑石嶙峋落盡桐花暮雨頻惜別重來三十載
松雲匝地苦留人

江干僧舍見周侍郎題有深竹留人細雨中
率爾有懷

溪篁細雨客重過好句留題奈若何欲寄數行稍問訊
白蘋風起亂愁多

孫豹人醉吟圖

杜老花溪卜築幽澗堂留滯復邗溝不嫌痛飲疎豪態
眼底吾曹半白頭

尋常不醉市兒酒醉後高歌覺有神雷李凋殘者舊少

西秦獨霸一詩人

謂雷伯龍李叔剛

愚山先生詩集

卷四十八

七言絕

十一

紗帽洲

千帆爭泊帶歸鴉野店蘆扉盡酒家汀草江雲應解笑
漫勞相喚作烏紗

豹兒嶺僧舍

回岡合沓畫纔分半嶺茅庵住白雲葉落滿林人跡少
一聲清磬萬山聞

寄孤山上人

三年不到雙羊路夜半鐘聞城外山時憶休公相對處
亂深松竹片雲間

送人歸西湖

風急空階紅葉飛西湖遊子正思歸湖邊十里荷花滿

何處宜君着釣磯

李陽驛

廿年重上驛邊樓
兩度停舟遇石尤
野店春殘花片盡
白頭浪起白蘋秋

過江浦尋舊蹟或以莊定山先生對

孤城烟火接江關
故里爭傳莊定山
一疏延爭成野老
幾篇詩在滿人間

千佛山

在歷城

夢吸南山石窟泉
重來亭館拂青天
不須更向峰頭望
目盡齊州幾點烟

重題西樵桐陰讀書圖

愚山先生詩集

卷四十八

七言絕

十一

曾寄三桐書屋歌
重看深翠似巖阿
山公啓事稱清要
怪底茅齋歸夢多

題沈繹堂撫松圖

層巖樹老卧蒼龍
知在雲間第幾峰
聞道九重新寵顧
只應長對掖門松

謝吳漁山作畫

茅屋谿山古木疎
看來直是老夫居
延陵高士如相訪
綠竹潭邊釣白魚

題阮亭秋林讀書圖

獨吟懷抱向人疎
秋色千山一草廬
好記白雲紅樹裏
雙留老眼讀殘書

過鄴城

按圖記安陽縣有西河是子夏故居

秋清山色太行來
畫錦堂前酒一杯
借問西河人不識
至今漳水說銅臺

夕次蘇門有懷孫徵君

策杖荒臺雲氣重
獨聽泉響倚孤松
夏峰見說高人在
知隔東山第幾峰

嵩山高登崖石室

斧劈青天半壁懸
丹梯老屋舊無椽
山靈憐取孤僧渴
萬石崖中一點泉

許昌孫秀才園乞牡丹

孫松友

洛中花事近全荒
留與鄢陵及許昌
尤物肯分江左去
愚山先生詩集

卷四十八

七言絕

三

爲君作譜續歐陽

百種名花百尺臺
主人喜客客頻來
籃輿好約花時到
一種花前舉一杯

繩武出佳紙偶書絕句

心清略似龐居士
齋禁還迂周太常
捲幔北園春樹外
數峰青滿讀書堂

題許子柔歸黃岳圖

歸帆一片入秋烟
三百灘聲到耳邊
雨後蓮花天半出
不知誰坐碧峰巔

寄姑熟陳蔚宗

江城高館似山村
愛客論詩酒一樽
好聽峨眉帽亭畔月

與君長嘯倚天門

歙城客寓有古松名曰松屋

烏聊山下好幽居百尺寒松覆草廬
秋雨松濤聲不絕
虞卿閔著幾篇書

叢菊禁霜解作花紫陽山畔晚蒸霞
誰將雪竇泉來試

有客新貽茅舍茶

河西有雪竇泉
茅舍產茶最佳

對酒答友人

蓮峰頂上客初迴
岍幘華屏酒一杯
嬾向塵中問閒事
道人元爲看山來

獨吟

自分漁樵付此身
苦吟獨笑轉傷神
塵埃莫道知音絕

愚山先生詩集

卷四十八

七言絕

古

倘有旗亭度曲人

野興和徐田東金陵見寄

晴江竹樹春可憐
無數繁花開綠烟
野鳥提壺相勸得
阿誰來送酒家錢

年來野興薄三公
散髮長吟松下風
多媿詩朋勤問訊

青谿好共隱牆東

又疊前韻

黃鳥白鳥聲相憐
高枝低枝叢野烟
樵子折來渾不惜

城中費盡買花錢

蒼髯長懷白兔公
開襟擗對落花風
故人相憶不相見

半醉含愁西復東

紅雲山房終

